



Kattusseqatigiit Partiiat

Januar 2012

UPA 2012/76

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqquumiuppara:

Nunaqarfinni tulaassuivinnilu tunisassiorfiusuni tunisassiorfiit uninngaannartut namminersortunngorsarneqarsinnaanerat Royal Greenland A/S-imut namminersorumasunut akiusut tunngavigalugit tuniniaanissaq iluaqutissartaqarnerisooq Naalakkersuisut Royal Greenland A/S peqatigalugu misissuinnissamik peqquneqarnissaat pillugu Inatsisartut aalajangiiffigisassaattut siunnersuut.
(Inatsisartunut ilaasortaqa Knud Fleischer, Kattusseqatigiit Partiiat)

Tunngavilersuut:

Kalaallit nunaanni avammut niuernermi isaatitsissutaasartoq annerpaaq tassaavoq aalisarneq. Suliffissuaq aalisakkanik suliaqartoq annerpaaq nunatsinni tassaavoq Royal Greenland A/S taannalu tunisassiorfinnik amerlanerpaanik piginnittuuvoq ingerlataqarlunilu. Suliffeqarfik pi-sinnaatitaalluarpoq nammineq suliassanik pingaarnersiui-nissamut, soorlu aalisartunut tu-laas-suinermi akinik isumaqatigiissuteqarnissamut aammalu sumi tunisassiassat suliarineqartassanersut. **Kattusseqatigiit Partiiani** isumaqarpugut suliffeqarfissuup ataatsip salliusutut inissisi-manera aalisartunut malunniuteqartartoq, tassalu aalisartut ataasiakkaat akitigut periarfissaasa pitsanngorsarniarnissaat ajornakusuulertarmat. Aammattaaq oqaatigineqarpoq Royal Greenland A/S aalisartunut illua-tungiliuttut unammillertutullu inissisimasooq, soormi aalisartut Royal Greenland A/S aqqu-tigalugu angallatitaarsimasut maleruagassanik naapertuilluarsoringisaminnik akuersisariaqartarsimallutik. Taamaammat isumaqarpugut pingaaruteqartoq ili-uuseqarnissap eqqarsaatigineqarnissaa, siumissami aalisartut piniartullu siunissami iluaquser-neqarsinnaaqqullugit tunisassiorfinnik matuneqarsimasunik uninngaannartunillu piginneqata-asinnaalersillugit, taamaattoqassappat.

Aalisarnermi suliffeqarfiit minnerit nutaali-orfiusumik siuariartornerat

Kattusseqatigiit Partiiat-ninngaanniit isumaqarpugut aalisarnerup iluani ineriartortitsinermik suliffeqarfinnik minnerit ilanngunneqarfiannik pilersitsisariaqartugut, inuussutissarsiutip iluani suliffeqarferujussuit kisiisa isiginagit. Aammattaaq isumaqarpugut tunisassiorfiit matoorar-neqarsimasut uninngaannartullu namminersortunngorsarneqarneratigut aalisartut akinik pitsaanerusunik nalaataqarsinnaanissaat periarfissinneqassasooq, ingerlatsisut unammilleqatigi-issinnaalernerisigut.

Ungasinnerusoq isigalugu, tunisassiorfiit matoqqakkat uninngaannartullu namminersortun-gorsaaavigineqarnissaat periarfissinneqassappat, aalisartortatta piniartortattalu aningaasarsior-nerat pitsanngooraaavigineqassagaluarput aammalu nunatta pissarititaanik atorluaanerulerneq kiisalu kalaaliminernik nunatsinni imminut pilersornerput pitsanngorsaaavigineqassagaluar-put.

Taamaattumik Kattusseqatigiit Partiianiit piumasarissavarput illoqafinni aammalu nunaqarfin-ni mikinerusunik tunisassiorfiit uninngaannartut aalisakkerinermik ingerlataqarusuttunut aki-

mik naapertuuttumik akilerlugit ingerlanneqarsinnaaneri Naalakkersuisunit misissorneqassa-soq, taamaallilluni tunisassiorfiit uninngaannartut ingerlatsisinnaasunit ingerlaneqarlutik nuna-milu aningaasarsionnissamik iluaqutaasumik aammalu suliffissaqartitsinikkut iluaqutaasu-mik ingerlaqqilernissaat anguneqassammat. Taamaakkaluartoq **Kattusseqatigiit Partiiat** -nut pingaaruteqarpoq, innuttaasut tunisassiorfinnik matoorarnikunik uninngaannartunillu tuniin-arneqannginnissaat, tamannami paatsoorneqarsinnaavoq aammalu innuttaasunut nukatsitsi-nerussalluni. Allatiguttaaq aamma takusareerparput sunaluunniit nammineq pisiarisimasaq paarilluarneqarnerusartoq.

Ilisimaneqarpoq nunani allani amerliartortuni aalisagaq akimigut malinnaajartortoq tamaattu-mik Kattusseqatigiit Partiianiit isumaqarpugut piffissangortoq tunisassiorfiit uningaannartut ingerlaqqilernissaat aqutissiuuttariaqartoq. Tamanit peqataaffigineqartumik oqallisissiatut saqqummiunneqarmat upernaakkut 2011-mi maluginiarpara Partiinit amerlanernit oqaluuse-risap soqutigineqarluni aammalu taperseerqarluni suliarineqarnera ingerlanneqartoq Kattus-seqatigiit Partiianiit maluginiarparput.

Kattusseqatigiit Partiiat sinnerlugu partiit qanoq oqaasissaqarumaarnersut aammalu Naalak-kersuisut misissueqquneqaarnissaannik kissateqarfigineqarnerata tamanit akuerineqarnissaa neriuutigalugu oqallilluarnissamik kissaappassi.

Aningaasaqarnikkut allaffissornikkullu siunnersuutip pisortanut sunniutissai.

Siunnersuut akuerineqassappat allaffissornikkut aningaasartuutaassooq, tassami siunertamut aningaasatigut allaffissornikkullu nukinnik toqqaasoqassammat. Taamaakkaluartoq aningaas-artuutissat annikitsuinnaassapput akuersissutillu pioreersup iluani matussusernissaat inissaqar-tinneqarsinnaassallutik pingaarnersiunikkut.

Siunnersuutip innuttaasunut aningaasatigut allaffissornikkullu sunniutissai.

Sunniuteqassanngilaq

Siunnersuutip aningaasatigut allaffissornikkullu namminersortunut sunniutissai.

Soorunami, siunnersuut akuerineqassappat, Royal Greenland A/S-mut arlaatigut aningaasa-tigut sunniuteqassaaq, suliffeqarfiup piffissaq nukiillu allaffissornikkut atortariaqassammagit suliap naammassineqarniarnerani. Taamaattoq erseqqinnerusumik sorpiaat aningaasartuutaajumaarnersut nalunaarsorneqarsinnaanngikkallarput.